



**Aningaasaqarnermut Naligiissitaanermullu  
Naalakkersuisoq**

Ulloq: 24-01-2023

J.nr.: 01.31.06/22-01006

**Aningaasaqarnermut Akileraartarnermullu Ataatsimiititaliap ataasinngornermi ulloq 23.  
januar 2023-mi aalajangiineranik Naalakkersuisunut ilisimatitsineq**

**Pisortanit ikiorsiissutitut aamma suliffissarsiortunut ikiorsiissutitut IT-atortulersuutitut  
nutaanut missingersuutitigut sunniuteqanngitsumik nuussineq. Ataatsimiititaliap suliaa nr.  
01.31.06/22-1006**

”Naalakkersuisut inassutigaat

- kontomi pingaarnermi 82.20.03 Isumaginninnermut tunngatillugu IT-atortulersuutit, suliaq nutaaq normu 40.094 Pisortanit ikiorsiissutit aamma suliffissarsiortunut ikiorsiissutit pillugit aningaasaliissutit 5,5 mio. kr-inik qaffanneqassasut, aamma
- kontomi pingaarnermi 31.07.03 Nuttarnerulersitsiniarluni aningaasaliissutit 1,5 mio. kr-inik ilanngarneqassasut, aamma
- kontomi pingaarnermi 31.07.05 Majoriaq pillugu aningaasaliissutit 4,0 mio. kr-inik ilanngarneqassasut 2022-mi.”

**Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

Naalakkersuisut inassuteqaataat siuliani allassimasut ataatsimiititaliamit qujassutigineqarput. Ataatsimiititaliap suliaasaq siullermik ulloq 20. december 2022-mi suliaraa. Suliaq pillugu apeqquteqarnissaq ataatsimiititaliamit aalajangiunneqarpoq, taamaattumillu suliap isummerfiginissaa ataatsimiititaliamit kinguartinneqarpoq. Ataatsimiititaliap apeqqutaanut Naalakkersuisut akissutaat aatsaat ulloq 11. januar 2023-mi tiguneqarpoq, tamannalu ilassutitut aningaasaliissuteqarnissamut qinnuteqaatinik ataatsimiititaliap aningaasanut inatsisip atuuttup iluani akuersissutiginninnissamut piginnaatitaanera eqqarsaatigalugu kingusinaarneruvoq.

Inassuteqaatinut matumani pineqartunut tunuliaqutaasut, siunertaasut pisariaqarnerallu ataatsimiititaliamit paasineqarsinnaalluarmat ataatsimiititaliamit matumani oqaatigineqassaaq. Sanaartornermullu tunngasuni ilassutitut aningaasaliissuteqarnissamik qinnuteqaatinik nassiussisarnermi nalinginnaasumik periusiusup malinneqannginnissaanik Naalakkersuisut siunnersuutaat ataatsimiititaliamit malinneqarniannilaq.


Suliami matuni Naalakkersuisut pilersarusiornermut aningaasartuuteqarnissaasa akuerineqarnissaanik inassuteqaatitalimmik ilassutitut aningaasaliissuteqarnissamik qinnuteqaammik nutaamik nassiussinissap Naalakkersuisunit isumaliutigineqarnissaanik ataatsimiititaliap siunnersuutini uteqqinnarsinnaavaa. Suliariumannittussarsiuussineq ingerlanneqa-reerpat aningaasatigullu kingunerisassat erseqqinnerusumik paasinarsinneqareerpata anin-gaasaliissutit anguneqartut atugassiissutigineqarnissaat Naalakkersuisut taamanikkussamut Aningaasaqarnermut Akileraartarnermullu Ataatsimiititaliamut qinnuteqaatigisinnaavaat.

Tamatuma peqatigisaanik Naalakkersuisunut akissuteqaatitut allakkamini siullermi apeqqutit arlallit akineqarnissaannik qinnuiginninnini ataatsimiititaliap Naalakkersuisunut eqqaasitsissutigissavaa. Apeqqutinulli taakkununnga ilaannakortumik akissummik ataatsimiititaliap tiguua. Taamaattumillu apeqqutit tamakkiisumi akineqarnissaat ataatsimiititaliamit qinnutigineqarpoq.

### **Aningaasaqarnermut Akileraartarnermullu Ataatsimiititaliap aalajangernera**

Siuliani allassimasutut oqaaseqaateqarluni Naalakkersuisut inassuteqaataat pillugit aalajangiinissaq Aningaasaqarnermut Akileraartarnermullu Ataatsimiititaliamit **akuerineqarsinnaanngillat.**

Ataatsimiititaliaq sinnerlugu



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua